

雜寶藏經

卷六

四百卅二  
敬馬六

51020



元祿九年丙子二月日重脩

皇圖 聖圖 帝 潛 銀 呂

佛日 增輝 懋 輪 常 轉

山城州天安寺法金剛院置



雜寶藏經卷第六

元魏沙門吉迦夜共曇曜

譯

驚

婆羅門以如意珠施出家得道緣第七十九  
佛在舍衛國介時南天竺有一婆羅門善別  
如意珠持一如意珠從南天竺至東天竺遍  
諸國土無能別者如是次第至舍衛國到波  
斯匿王所而作是言誰能分別識此珠者波  
斯匿王集諸群臣一切智人無能識者波斯  
匿王共至佛邊佛語婆羅門言汝識珠名字  
不知珠生出處不知珠力耐不荅言悉知佛  
言此珠摩竭大魚腦中出魚身長二十八萬  
里此珠名曰金剛堅也有第一力耐使一切

被毒之人見悉消滅又見光觸身亦復消毒  
第二力者熱病之人見則除愈光觸其身亦  
復得瘥第三力者人有無量百千怨家捉此  
珠者悉得親善時婆羅門聞此語已甚用歡  
喜如來真實一切智人即以此珠奉上於佛  
而求出家佛言善來比丘髮鬚自落法服著  
身為說法要即得羅漢諸比丘言如來善能  
分別此珠復能說法使得道證佛言非但今  
日過去亦尔昔迦尸國仙人山中有五通仙  
時有婆羅門持一樹葉問仙人言此何樹葉  
仙人荅言此樹名金頂若人被毒垂命欲死  
此樹下坐即得消滅熱病之人依此樹者亦

復得除以此樹葉觸人身者所有毒氣及與  
熱病悉皆得除婆羅門歡喜求與仙人而作  
弟子修習其法亦得五通今時五通仙人者  
我身是也今時持樹葉婆羅門者今此婆羅  
門是也我於今時教其使得具五神通今亦  
免其生死之難獲阿羅漢

雜寶藏經十力迦葉以實言止佛足血緣第八十  
今時如來被加陀羅刺刺其脚足血出不止  
以種種藥塗不能得瘥諸阿羅漢於香山中  
取藥塗治亦復不降十力迦葉至世尊所作  
是言曰若佛如來於一切衆生有平等心於  
羅睺羅提婆達多等無有異者脚血應止即

時血止瘡亦平復比丘歎言種種妙藥塗治  
不止迦葉實言血則尋止佛言非但今日過  
去世時亦復如是昔有一婆羅門生產一子  
名曰無害而白父言田中行時莫害衆生父  
告子言汝欲作仙人耶生活之法云何避虫  
子言我今望得父現世安樂後世安樂不用  
我語用是活為即向毒龍泉邊而坐欲求取  
死世有毒龍見之害人時婆羅門子即見毒  
龍毒遍身體命即欲斷父時憂惱不知見處  
即尋求覓見見欲死父到兒所而作是言我  
子從來無害心者此毒應消作是語已毒氣  
即消平復如故尔時父者十力迦葉是也尔

時子者我身是也於過去世中能作實語消  
除我病於今現世亦以實言而愈我病

雜寶藏經佛在菩提樹下魔王波旬欲來惱緣

第八十一

昔如來在菩提樹下惡魔波旬將八十億衆  
欲來壞佛至如來所而作是言瞿曇汝獨一  
身何能坐此急可起去若不去者我捉汝脚  
擲著海外佛言我觀世間無能擲我者海外  
者汝於前世但曾作一寺主受一日八戒布  
施辟支佛一鉢之食故生六天為大魔王而  
我乃於三阿僧祇劫廣修功德阿僧祇劫我  
曾供養無量諸佛第二第三阿僧祇劫亦復

如是供養聲聞緣覺之人不可計數一切大地無有針許非我身骨魔言瞿曇汝道我昔一日持戒施辟支佛食信有真實我亦自知汝亦知我汝自道者誰爲證知佛以手指地言此地證我作是語時一切大地六種震動地神即從金剛際出合掌白佛言我爲作證有此地來我恒在中世尊所說真實不虛佛語波旬汝今先能動此澡瓶然後可能擲我海外尔時波旬及八十億衆不能令動魔王軍衆顛倒自墮破壞星散諸比丘言波旬長夜惱亂如來而不得勝佛言非但今日過去亦尔



昔迦尸國仙人山中有五通仙教化波羅柰城中諸年少輩皆度出家使修仙道

尔時城神極大瞋恚語仙人言汝若入城更度人者我捉汝脚擲於海外時彼仙人捉一澡瓶語城神言先動此瓶然後擲我盡其神力不能得動慙愧歸伏尔時仙人我身是也尔時城神波旬是也

雜寶藏經佛為諸比丘說利養灾患緣第八十二尔時如來在舍衛國馱患利養有一深林名貪莊嚴逃避利養往至林中林中有寺時一羅漢名那弋迦作此寺主佛至彼林到後日中有諸人等持衣供養滿於林中作是言曰

我不用利養而此利養常逐我後有万二千  
比丘亦至彼處佛語諸比丘利養者是大灾  
害能作障難乃至羅漢亦為利養之所障難  
比丘問言能作何障佛言利養之害破皮破  
肉破骨破髓云何為破破持戒之皮禪定之  
肉智慧之骨微妙善心之髓万二千比丘齊  
畜三衣六物作阿練若不受餘物佛即讚歎  
善哉善哉能作阿練若法我之此法是少欲  
法非是多欲是知足法非不知足是樂靜法  
非樂憤鬧是精進法非懈怠法是正念法非  
邪念法是定心法非亂心法是智慧法非愚  
癡法時諸比丘聞說此語皆得阿羅漢諸比

丘白佛言希有世尊佛言非適今日過去亦  
尔昔迦尸國有輔相名曰夜叉夜叉之子名  
夜兒達多深覺非常出家學仙諸仙多欲皆  
諍菓草夜兒達多為欲令彼少欲之故捨其  
菓草取彼鞭草捨此甘菓取彼酢菓捨己新  
菓取他陳菓捨取菓已即得五通万二千仙  
人見其如此便學少欲不復多求亦皆得五  
通夜兒達多漸作方便教化諸仙命終之後  
生不用處尔時達多我身是也尔時万二千  
仙人今万二千比丘是也

雜寶藏經賊臨被殺遙見佛歡喜而生天緣第

尔時舍衛國波斯匿王擊鼓唱令而作是言  
若作賊者捉得當殺時有一人捉賊將來王  
便遣人將出殺去在於城外會於道中遙見  
如來心生歡喜至於殺處即伏王法尋得生  
天具修三念知己由是垂殺之時見佛歡喜  
命終生天感佛恩德來下供養佛為說法得  
須陁洹比丘問言以何業緣生於天宮佛言  
昔在人中為王所殺臨死之時見佛歡喜乘  
此善因生彼天宮重於我所聞法解悟證須  
陁洹

十四

雜寶藏經刪手足人感佛恩而得生天緣第八

昔舍衛國有人犯於王法截其手足擲著道頭佛行見之即往到邊而問言曰汝於今者以何爲苦別人荅言我最苦餓即勅阿難使與彼食其別人命終生天感佛厚恩來下供養佛爲說法得須陁洹比丘問言以何業行生於天上佛言昔在人中被刖手足擲於道頭佛到其所勅與其食心生歡喜命終生天重於我所聞法得道

雜寶藏經長者子以好蜜漿供養行人得生天緣第八十五

昔舍衛國有一長者於祇桓林求空閑地欲造房舍須達長者遍以作竟無復空處便於

祇桓大門之中以好淨水用種種蜜種種之  
麩作漿供給一切行人九十日後佛亦受之  
於是命終生於天上有大威德乘天宮殿來  
供養佛佛為說法得須陁洹比丘問言以何  
業行得生天上威德如此佛言本為人時於  
祇桓門作種種漿施與一切佛亦自受以是  
因緣生於天上又於我所聞法得道

雜寶藏經波斯匿王遣人請佛由為王使生天  
緣第八十六

昔舍衛國波斯匿王須達長者久不見佛心  
生渴仰於夏坐後遣使請佛使至佛所恭敬  
白佛言王與長者欲見如來唯願世尊乘此

車上往到舍衛佛言我不用車自有神足雖  
作是語爲其得福當於車上空中而行使使  
在前而告於王及以長者王與長者躬自出  
迎使亦與王還來見佛命歿生於天上即乘  
寶輪來至佛所佛爲說法得須陁洹比丘問  
言以何因緣生於天宮乘此寶車佛言昔在  
人中爲王所使到於佛所奉車使乘由是業  
緣今得生天恒駕寶車重於我邊聞法得悟  
證須陁洹

雜寶藏經波斯匿王勸化乞索時有貧人以  
氎施王得生天緣第八十七

昔舍衛國波斯匿王作是言曰須達長者尚

能勸化一切人民作諸福業我今亦當爲衆  
生故教導乞索令其得福於是行化處處乞  
索時有一人貧窮多乏唯有一氎即便持施  
波斯匿王王得氎已轉以奉佛其後貧人命  
終生天感佛大恩而來供養佛爲說法獲須  
陁洹比丘問言昔作何業生於彼天佛言在  
人中時值王勸化即以白氎而布施之乘此  
善因得生於天遂於我前聞法證道

雜寶藏經兄勸弟奉修三寶弟不敬從兄得  
生天緣第八十八

昔舍衛國有兄弟二人而第一者奉修佛法  
第二之者事富蘭那兄常勸弟使事三寶弟



不隨順恒共鬪諍情不和合各便分活第一  
者供養於佛後遂命終生於天上即來佛所  
報恩供養佛爲說法得須陁洹比丘問言昔  
爲何業生此天宮佛言往在人中心樂正法  
奉修三寶以是福因今得生天又於我所  
聞法信解而證道果

雜寶藏經父聞子得道歡喜即生天緣第八十九  
昔舍衛國有兄弟二人恒喜鬪諍更相怨惡  
便共詣王欲求決斷道中值佛佛爲說法得  
阿羅漢道父聞子遇佛得道心生歡喜遂便  
命終生於天上來至佛所佛爲說法得須陁  
洹比丘問言往作何業今得生天佛言昔在

人中聞我爲其子等說法得道踊躍歡喜命  
終生天重於我所聞法信解而證道果

雜寶藏經子爲其父所逼出家生天緣第九十  
昔舍衛國有人使子出家事佛佛即度之恒  
使掃地不堪辛苦罷道還俗其父語言汝但  
出家自今已後代汝掃地父即共子往彼祇  
桓精舍見見精舍其中清涼心生歡喜便作  
是言我寧殺身出家掃地不復還俗其後命  
終生於天上即來佛所佛爲說法得須陀洹  
比丘問言以何業緣生於天上佛言往在人  
中不堪辛苦欲還於家其父不聽代其使役  
強驅出家遂便歡喜命終生天又於我所聞

法得道

雜寶藏經羅漢祇夜多駝惡龍入海緣第九十一  
昔有尊者阿羅漢字祇夜多佛時去世七百  
年後出罽賓國時罽賓國有一惡龍王名阿  
利那數作災害惱諸賢聖國土人民悉皆患  
之時有二千阿羅漢各盡神力駝遣此龍令  
出國界其中有五百羅漢以神通動地又有  
五百人放大光明復有五百人入禪定經行  
諸人各各盡其神力不能使動時尊者祇夜  
多最後往到龍池所三彈指言龍汝今出去  
不得此任龍即出去不敢停任尔時二千羅  
漢語尊者言我與尊者俱得漏盡解脫法身

悉皆平等而我等各各盡其神力不能令動尊者云何以三彈指令阿利那龍遠入大海也于時尊者荅言我凡夫已來受持禁戒至突吉羅等心護持如四重無異今諸仁者所以不能動此龍者神力不同故不能動時尊者祇夜多與諸弟子向比天竺道中見一鳥仰而微笑弟子白言不審尊者何緣微笑願說其意尊者荅言時至當說於是前行到石室城既至城門慘然變色食時已至入城乞食既得食已還出城門復慘然變色諸弟子等長跪白言不審向者何緣微笑復慘然變色時尊者祇夜多荅諸弟子言我於往昔九

十一劫毗婆尸佛入涅槃後作長者子。小時  
求欲出家，父母不聽。而語子言：「我家業事重，  
汝若出家，誰繼後嗣？吾當爲汝取婦產一子，  
胤聽汝出家，即便爲娶。既取婦，已復求出家，  
父母復言：『若生一息，聽汝出家。』其後不久，生  
一男兒，兒已能語，復白父母言：『願尊先許聽  
我出家。』小時，父母恐違前言，密教乳母語孫  
兒言：『汝父若欲出家去時，汝當在門捉告。』父  
言：『既生有我，今欲捨我出家去也。若去者，願  
令殺我，然後當去。』其父即時慘然，情變而語  
子言：『我今當任不復更去，由是之故，流浪生  
死。我以道眼觀察宿命，天上人中及三惡道。

相值甚難相值甚難今乃一見向一烏者即  
是彼時孫兒也今向所以慘然變色者我於  
城邊見餓鬼子而語我言我在此城邊已十  
十年我母爲我入城求食未嘗一得來我今  
饑渴甚大困厄願尊者入城見我母者願爲  
我語速看我來時我入城見餓鬼母而語之  
言汝兒在外飢渴甚厄思欲相見時餓鬼母  
而報之言我來入城七十餘年我自薄福加  
我新生餓羸無力雖有膿血涕唾糞穢不淨  
之食諸大力者於先持去我不能得最後得  
一口不淨欲持出門與子分食門中復有諸  
大力鬼復不聽出唯願尊者慈愍將我使母

子相見食此不淨時尊者即將餓鬼母得出  
城門母子相見分食不淨介時尊者問此鬼  
言汝於此住爲以幾時時鬼荅言我見此城  
七反成壞時尊者歎言餓鬼壽長甚爲大苦  
時諸弟子聞說此語皆厭患生死即得道跡  
雜寶藏經二比丘見祇夜多得生天緣第九十二  
時南天竺有二比丘聞祇夜多有威德來  
向罽賓到其住處道由樹下見一比丘形體  
甚悴竈前然火彼二比丘而問之言汝識尊  
者祇夜多不荅言我識彼比丘言今在何處  
語言在上第三窟中彼二比丘即便上山往  
到窟所見向然火比丘時二比丘疑恠所以

比丘言尚有如此名德何憂不能於先來此時一比丘即求決疑而問之言尊者有如此威德自然火爲尊者答言我念往昔生死之苦若我頭手脚可然之者猶爲衆僧而用然火況復然薪時二比丘即便問之不審往昔生死之苦其事云何願欲聞之尊者答言我念往昔五百世中生於狗中常困飢渴唯於二時得自飽滿一值醉人酒吐在地得安樂飽二值夫婦二人共爲生活夫便向田婦任後作食時彼婦人事緣小出我時即入盜彼飯食值彼食器口小初雖得入頭後難得出雖得一飽然後辛苦夫從田還即便揃頭在



於器中時二比丘聞其說法厭惡生死得須  
陁洹

雜寶藏經月氏國王見阿羅漢祇夜多緣第  
九十三

月氏國有王名栴檀罽尼吒聞罽賓國尊者  
阿羅漢字祇夜多有大名稱思欲相見即自  
躬駕與諸臣從往造彼國於其中路心竊生  
念我今爲王王於天下一切人民靡不敬伏  
自非有大德者何能堪任受我供養作是念  
已遂便前進逕詣彼國有人告尊者祇夜多  
言月氏國王名栴檀罽尼吒與諸臣從遠來  
相見唯願尊者整其衣服共相待接時尊者

答言我聞佛語出家之人道尊俗表唯德是  
務豈以服飾出迎接乎遂便靜默端坐不出  
於是月氏國王至其住處見尊者祇夜多覩  
其威德倍生敬信即前稽首却住一面時尊  
者欲唾月氏國王不覺前進授唾噐時尊者  
祇夜多即語王言貧道今者未堪爲王作福  
田也胡爲躬自枉屈神駕時月氏王深生慚  
愧我向者竊生微念以知我心自非神德何  
能尔也於尊者所重生恭敬時尊者祇夜多  
即便爲王略說教法王來時道好去如來時  
王聞教已即便還國至其中路群臣怨言我  
等遠從大王往至彼國竟無所聞然空還國

時月氏王報群臣言卿今責我無所得也向  
時尊者爲我說法來時道好去如來時卿等  
不解此也以我往昔持戒布施修造僧坊造  
立塔寺種種功德以植王種今享斯位今復  
修福廣積衆善當來之世必重受福故誠我  
言王來時道好去如來時群臣聞已稽首謝  
言臣等廝下智慧愚淺竊生妄解謂所行來  
道大王神德妙契言旨積德所鍾故享斯位  
群臣歡喜言已而退

雜寶藏經月氏國王與三智臣作善親友緣  
第九十四

時月氏國有王名栴檀闍尼吒與三智人以

爲親友第一名馬鳴菩薩第二大臣字摩吒  
羅第三良醫字遮羅迦此三人王所親善待  
遇隆厚進止左右馬鳴菩薩而白王言當用  
我語者使王來生之世常與善俱永離諸難  
長辭惡趣第二大臣復白王言王若用臣密  
語不漏泄者四海之內都可剋獲第三良醫  
復白王言大王若能用臣語者使王一身之  
中終不橫死百味隨心調適無患王如其言  
未曾微病於是王用大臣之言軍威所擬莫  
不摧伏四海之內三方已定唯有東方未來  
歸伏即便嚴軍欲往討罰先遣諸胡及諸白  
象於先導道王從後引欲至葱嶺越度閼嶮

先所乘象馬不肯前進王甚驚恠而語馬言  
我前後乘汝征伐三方已定汝今云何不肯  
進路時大臣白言臣先所啓莫泄密語今王  
漏泄命將不遠如大臣言王即自知之定死  
不久是王前後征伐殺三億餘人自知將來  
罪重必受無疑心生懼便即懺懺悔修檀持戒  
造立僧房供養衆僧四事不乏修諸功德精  
勤不倦時有諸臣自相謂言王廣作諸罪殺  
戮無道今雖作福何益往各時王聞之將欲  
解其疑意即作方便勅語臣下汝當然一大  
鑊七日七夜使令極沸莫得斷絕王便以一  
指環擲於鑊中命向語臣仰卿鑊中得此環

來臣白王言願更以餘罪而就於死此環叵  
得王語臣言頗有方便可得取不時臣荅言  
下止其火上投冷水以此方便不傷人手可  
取之耳王荅言我先作惡喻彼熱鑊今修諸  
善慚愧懺悔更不為惡胡為不滅三塗可止  
人天何得却時解悟諸臣聞已莫不歡喜讚  
人之言不可不用

雜寶藏經拘尸彌國輔相夫婦惡心於佛佛  
即化道得須陁洹緣第九十五

佛在拘弥國有輔相婆羅門為人狂暴動不  
以道其婦邪諂亦復無異夫勅婦言瞿曇沙  
門在此國界若其來者閉門莫開於一日中

如來忽然在其屋中婆羅門婦見已默然都不與語佛便說言汝婆羅門愚癡邪見不信三寶婦聞此語極大瞋恚自絕瓔珞著垢膩衣在地而坐夫從外來問言何以尔也荅言瞿曇沙門罵辱於我作如是言汝婆羅門邪見不信夫言且待明日明日開門以待佛來於後日中佛現出其家婆羅門即捉利劍而斫於佛不能得著見佛在虛空中便自慙愧五體投地而白佛言唯願世尊來下受我懺悔佛即來下受其懺悔為說法要夫婦俱得須陀洹道時諸比丘聞佛降化如是惡人各作此言世尊出世甚高甚特佛告比丘言非

但今日過去之時亦曾調伏此丘白佛言不  
審過去調伏云何佛言昔迦尸國有王名爲  
惡受極作非法苦惱百姓殘賊無道四遠賈  
客珍琦勝物皆稅奪取不酬其直由是之故  
國中寶物遂至大貴諸人稱傳惡名流布今  
時有鸚鵡王在於林中間行路人說王之惡  
昂自思念我雖是鳥尚知其非今當詣彼爲  
說善道彼王若聞我語必作是言彼鳥之王  
猶有善言柰何人王爲彼譏責僮能改修尋  
即高飛至王園中迴翔下降在一樹上值王  
夫人入園遊觀于時鸚鵡鼓翼嚶鳴而語之  
言王今暴虐無道之甚殘害萬民毒及鳥獸



但今日過去之時亦曾調伏此丘白佛言不  
審過去調伏云何佛言昔迦尸國有王名爲  
惡受極作非法苦惱百姓殘賊無道四遠賈  
客珍琦勝物皆稅奪取不酬其直由是之故  
國中寶物遂至大貴諸人稱傳惡名流布余  
時有鸚鵡王在於林中聞行路人說王之惡  
即自思念我雖是鳥尚知其非今當詣彼爲  
說善道彼王若聞我語必作是言彼鳥之王  
猶有善言柰何人王爲彼譏責僮能改修尋  
即高飛至王園中迴翔下降在一樹上值王  
夫人入園遊觀于時鸚鵡鼓翼嚶鳴而語之  
言王今暴虐無道之甚殘害萬民毒及鳥獸

含氣嗷嗷人畜憤結呼嗟之音周聞天下夫  
人苛剋與王無異民之父母豈應如是夫人  
聞已瞋毒熾盛此何小鳥罵我溢口遣人伺  
捕今時鸚鵡不驚不畏入捕者手夫人得之  
即用與王王語鸚鵡何以罵我鸚鵡荅言說  
王非法乃欲相益不敢罵也時王問言有伺  
非法荅言有七事非法能危王身問言何等  
爲七荅言一者耽荒女色不務貞正二者嗜  
酒醉亂不恤國事三者貪著碁博不修禮敬  
四者遊獵殺生都無慈心五者好出惡言初  
不善語六者賦役謫罰倍加常則七者不以  
義理劫奪民財有此七事能危王身又有三

事傾敗王國王復問言何謂三事荅言一者  
親近邪佞諂惡之人二者不附賢勝不受忠  
言三者好伐他國不養人民此三不除傾敗  
之期非旦則夕夫爲王者率土歸仰王當如  
橋濟渡万民王當如秤親緣皆平王當如道  
不違聖蹤王者如日普照世間王者如月與  
物清涼王如父母恩育慈矜王者如天覆蓋  
一切王者如地載養万物王者如火爲諸万  
民燒除惡患王者如水潤澤四方應如過去  
轉輪聖王乃以十善道教化衆生王聞其言  
深自慙愧鸚鵡之言至誠至欵我爲人王所  
行無道請遵其教奉以爲師受修正法今時

國內風教既行惡名消滅夫人臣佐皆生忠敬一切人民無不歡喜譬如牛王度水導者既正從者亦正尔時鸚鵡我身是也尔時迦尸國王惡受今輔相是也尔時夫人輔相夫人是也

雜寶藏經佛弟難陀為憐所逼出家得道緣策

九十六

佛在迦比羅衛國入城乞食到難陀舍會值難陀與婦作莊香塗眉間聞佛門中欲出外者婦共要言出看如來使我額上莊未乾頃便還入來難陀即出見佛作禮取鉢向舍盛食奉佛佛不為取過與阿難阿難亦不為取

阿難語言汝從誰得鉢還與本處於是持鉢  
逐佛至尼拘屢精舍佛即勅剃髮師與難陀剃  
髮難陀不肯怒拳而語剃髮人言迦比羅衛  
一切人民汝今盡可剃其髮也佛問剃髮者  
何以不剃荅言畏故不敢為剃佛共阿難自  
至其邊難陀畏故不敢不剃雖得剃髮恒欲  
還家佛常將行不能得去後於一日次守房  
舍而自歡喜今真得便可還家去待佛衆僧  
都去之後我當還家佛入城後作是念言當  
為汲水令滿澡瓶然後還歸尋時汲水一瓶  
適滿一瓶復畚如是經時不能滿瓶便作是  
言俱不可滿使諸比丘來還自汲我今但著

瓶屋中而棄之去即閉房門適一扇閉一扇  
復開適閉一戶一戶復開更作是念俱不可  
閉就置而去縱使失諸比丘衣物我饒財寶  
足有可償即出僧房而自思惟佛必從此來  
我則從彼異道而去佛知其意亦異道來遙  
見佛來大樹後蔽樹神舉樹在虛空中露地  
而立佛見難陀將還精舍而問之言汝念婦  
也答言實念即將難陀向阿那波山上又問  
難陀汝婦端正不答言端正山中有一老瞎  
獼猴又復問言汝婦孫陀利面首端正何如  
此獼猴也難陀懊惱便作念言我婦端正人  
中少雙佛今何故以我之婦比此獼猴佛復

將至忉利天上遍諸天宮而共觀看見諸天  
子與諸天女共相娛樂見一宮中有五百天女無  
有天子難陀還來問佛佛言汝自往問難陀往  
問言諸宮殿中盡有天子此中何以獨無天  
子荅言閻浮提內佛弟難陀佛逼使出家以  
出家因緣命終當生於此天宮爲我天子難  
陀荅言即我身是便欲即任天女語言我等  
是天汝今是人還捨人壽更生此間便可得  
任便還佛所以如上事具白世尊佛語難陀  
汝婦端正何如天女難陀荅言比彼天女如  
瞎猕猴比於我婦佛將難陀還閻浮提難陀  
爲生天故勤加持戒

阿難尔時爲說偈言

譬如羝羊鬪 將前而更却 汝爲欲持戒

其事亦如是

佛將難陀復至地獄見諸鑊湯悉皆煮人唯  
見一鑊吹沸空停恠其所以而來問佛佛告  
之言汝自往問難陀即往問獄卒言諸鑊盡  
皆煮治罪人此鑊何故空無所煮答言閻浮  
提內有如來弟名爲難陀以出家功德當得  
生天以欲罷道因緣之故天壽命終墮此地  
獄是故我今欲吹鑊而待難陀恐怖畏獄卒  
留即作是言南無佛陀唯願擁護將我還至  
閻浮提內佛語難陀汝勤持戒修汝天福難



隨答言不用生天唯願我莫墮此地獄佛為  
說法一七日中成阿羅漢諸比丘歎言世尊  
出世甚奇特佛言非但今日乃往過去亦復  
如是諸比丘言過去亦尔其事云何請為我  
說佛言昔迦尸國王名曰滿面比提希國有  
一姪女端正殊妙尔時二國常相怨嫉傍有  
佞臣向迦尸王歎說彼國有姪女端正世所  
希少王聞是語心生惑著遣使從索彼國不  
與重遣使言求暫相見四五日間還當發遣  
時彼國王約勅姪女汝之姿態所有伎耐好  
悉具備使迦尸王惑著於汝須臾之間不能  
遠離即遣令去經四五日尋復喚言欲設大

祀須得此女暫還旋來後當更遣迦尸王即遣還歸大祀已訖遣使還索荅言明日當遣既至明日亦復不遣如是妄語經歷多日王心惑著單將數人欲往彼國諸臣勸諫不肯受用時仙人山中有獼猴王聰明博達多有所知其婦適死取一雌獼猴諸獼猴衆皆共瞋呵責此姪獼猴衆所共有何緣獨當時獼猴王將雌獼猴走入迦尸國投於王所諸獼猴衆皆共追逐既到城內發屋壞牆不可料理迦尸國王語獼猴王言汝今何不以此雌獼猴還諸獼猴獼猴王言我婦死去更復無婦王今云何欲使我歸王語之言今汝獼猴破

亂我國那得不歸。獼猴王言：「此事不好。」耶王  
荅言：「不好。」如是再三。王故言：「不好。」獼猴王言：  
「汝宮中有八万四千夫人，汝不愛樂，欲至敵  
國追逐姪女，我今無婦，唯取此一。」汝言：「不好。」  
一切万姓視汝而活，為一姪女云：「何捐棄大  
王，當知姪女之事，樂少苦多，猶如逆風而執  
熾炬，愚者不放，必見燒害。」欲為不淨，如彼屎  
聚，欲現外形，薄皮所覆，欲無反復，如屎塗毒  
虵，欲如怨賊，詐親附人，欲如假借，必當還歸。  
欲為可惡，如廁生華，欲如疥瘡，而向於火，爬  
之，轉劇，欲如狗齧枯骨，涎唾共合，謂為有味。  
脣齒破盡，不知馱足，欲如渴人飲於鹹水，踰

增其渴欲如段肉衆鳥競逐欲如魚獸貪味  
至寡其患甚大尔時獠猴王者我身是也尔  
時王者難隨是也尔時姪女者孫隨利是也  
我於尔時欲淤泥中拔出難隨今亦拔其生  
死之苦也

雜寶藏經卷第六

驚

耐

反奴代

刺刺

上七下七

賜反

溲溲

二下同

弋迦

音上

翼

憤鬧

上俱妹反

鞞

正作硬

酖

醋字

胤

余鎮

反

揃

音月氏

王王

下聲去

靡

緬彼

享

許兩亦

作響

漏泄

下音

殺戮

下音

叵

正可

珍琦

下音

迴

翔

下音

嚶

一耕

嗷

吾高

憤

房粉

苛剋

上胡

溢

夷反一嗜音視恤思律反如槁下音考慈矜下居反瞎許八

反叛羊上音佞臣上定奴恣態下他代反捐棄音二緣許八

弃廁初去反疥瘡上音肥之上麻反齧魚反結

涎唾亦作似連反鹹鹹咸二同音上正



